



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Apotheca Spiritvalivm Pharmacorvm Contra Lvem
Contagiosam Aliosqve Morbos**

Wichmans, Augustin

Antverpiae, 1626

Quinto Kalend. Septemb.

urn:nbn:de:hbz:466:1-9653

Quinto Kalend. Septemb.

28
August.

Hippone Regio in Africa natalis S. Augustini Episcopi & Ecclesiæ Doctoris eximij, qui B. Ambrosij Episcopi opera ad Catholicam fidem conuersus & baptizatus, eam aduersus Manichæos aliosque hæreticos, acerrimus propugnator defendit, multisque alijs pro Ecclesia Dei perfunctus laboribus, ad præmia migravit in cœlum.

Vide cap.
23. Apoth
spirit. sol.
134.

Anus obitus eius signatur apud Baron. aliosque accuratio-
re Chronographos, 430. paulo ante generale Concilium
Ephesinum, ad quod à Theodosio Imp. per litteras fuerat
euocatus; quarum hæc erat inscriptio:

Venerabili Domino Augustino.

Episcopo Hipponeñsi.

Theodosius Imperator.

Repertæ sunt eæ Paduæ in æde S. Justinæ Congregationis Benedic- 1. i. pers.
tiorum , suntque præclaris encomijs grauidæ. Moritem eius de- VVandal
plorat Victor Uticensis talibus præconijs , vt ad consummatissimæ
virtutis Præsulem laudandum , ijs nihil superaddi possit.

Memorabile est quod de corde eius, virti grauissimi asserunt, habeturque rei gestæ historia, in altari S. Augustini Ecclesiæ nostræ Tungerloensis, olin depicta; nempe cor eius non esse coniunctum reliquo corpori, sed cum moreretur, vel ab Angelo, vel à quibusdam ipsis Augustini pijs cultoribus, visceribus reliquis exceptum fuisse, interque varias procellas temporum delituisse, quo usque sub annum 951. Sigisbertus Episcopus Lugdunensis, S. Augustini præcipue studiosus, diuinitus id ipsum accepit. Cum enim more solito in oratorio suo sub horam primam à Domino postularet se aliqua parte reliquiarum eius donari antequam vita decederet, subito obdormiuit, adfuitque Angelus cum vasculo crystallino admodum

pretioso, quod dum Angelus reuerenter in altari reposuisset, Ecquid dormis Sigiberte ait: Expergiscere. Sum angelus quondam Augustini tutelae traditus, qui etiam cordis eius singularem habeo rationem: sic enim Deo vatum est, ne periret hoc quod tantopere in ipsius amorem exarsit, & quod adeo diuini amoris sategit, quodque tam subtiliter de Sanctissima Trinitate differuit. Quare exurge, & accipe munus a Deo tibi transmissum, in cuius piorumque consolationem quo dicto Angelus disparuit. Episcopus vero excitatus, respxit in altari pretiosissimam hanc vnumulam, in qua Cor D. Augustini erat tam vegetum tamque recens, ac si tum primò fuisset de corpore eiusdem acceptum. Episcopus autem per totam diecensem congregato populo, hymnum Te Deum cantati iussit, cumque peruentum esset ad hunc versiculum, Sanctus, Sanctus, Sanctus, vatum est cor nouo miraculo commoueri, palpitare & exultare, ac si recens fuisset sauciatus illa ter amabili sagitta S. Trinitatis. Similes motus habuisse fuit in anniversaria die, cum eo in altari deposito, sacrum fieret, quoties S. Trinitas a sacerdote exprimeretur, vel liber eius de S. Trinitate conscriptus coram eo expanderetur. Idem facere solitum in Missa, quoties haec verba recitabantur, Sanctus, Sanctus, &c. refert liber inscriptus, Panis quotidianus. Addunt insuper, quo tempore publicè solebat exhiberi, neminem hereticorum ausum fuisse eam Ecclesiam intrare; quod si quis attentasset, in limine diuinitus vel enecabatur, vel supinus prosternebatur. Qua de causa non male idem Sanctus depingitur cum hereticis sub pedibus eius conculcati vel emortuis: licet & eos tum voce, tum scripto conculcauerit viuus. Solebatque id ipsum Cor (quod nonnulli volunt arcanis sacramorum vulnerum Christi stigmatibus sauciatum fuisse) quibusdam sphætulis seu amuletis attingi, quæ loco reliquiarum domum referabantur, estque nuper Monachij in Bauaria, argentea capsula inuenta, in qua seruabatur corculum ferreum magnitudinis vnius anni, obductum aureo circulo cum hac inscriptione:

Cor admotum vero cordi S. Augustini: ferreum
propter nimiam eius constantiam; & aureum
propter inflamatam eius caritatem.

Possetque dici, cum depingi cum corde in manibus, quod illud iam Deo ad obsequium offerat, quod antea mundo & carni, ad immortalitatem seruierat.

Illud interim non parum sanctissimum hunc Præsulem commendat,

Vide
Lanc. I. 3.
c. 43.

dat, quod cum diuersæ sint Cœnobitarum Regulæ, ut S. Basiliij, Benedicti & Francisci; sub eius tamen Regula, quam vnicam tantum scripsit, eamque Monialibus (vti benè probat noster Laurèt. Landmeter) plus quam 50. Religiosos Ordines militare: inter quos, post genuinam eius sobolem, Canonicos Regulares, nescio an alias præ nostro Præmonstratenſi, sit magis ei veterinus; utpote quem è cælo ad terram descendens, Christo genuit. Extant pulcherrimæ & deuotissimæ ad eum Litanie, à sede Apostolica olim approbatæ, & nuper iussu R. D. Hadriani Stalpaertis Prælati nostri Tungerloensis typis Verdussij Antwerpia' reimpresæ; quæ pio affectui erga hunc magnum Ecclesiæ Doctorem, & tot Religiosorum Ordinum Parentem augendo, mirificè inseruitunt. Mira sunt quæ de eodem in sua Africa narrat Ioan. Bapt. Gramaye, quæ apud eum Lectori videat, & examinet. Plura forsitan ego alibi.

Quarto Kalend. Septemb.

29.
August,

In Anglia S. Sebbi Confessoris, & Orientalium
Saxonum Regis, qui relictis sæculi pompis, to-
tum se Deo mancipauit.

Vide cap.
58 Apot.
Spir. fol.
271.

Non vnum olim ut hodie, sed diuersos Reges habuit An-
glia, qui diuersis illius Insulæ præerant prouincijs & po-
pulis, Reguli potius dicendi quam Reges, prout etiam in
Hybernia moris erat. Erat in Anglia rex Aquilonarium
Saxonum, erat Australium, erat Occidentalium, erat & Orienta-
lium, de quibus singulis vide Bedam in historia suæ gentis. Ori-
entalibus autem Saxonibus præfuit hic sanctus Sebbi, teste eodem Be-
da, qui l. 4.c. 11. plura de eo refert, ex quo ceteri.

Considerat verò aliquando idem Beda hos Saxones veluti popu-
lum distinctum ab Anglis, vt l. 1.c. 15. Aduenerant, inquit, in Britan-
niam (ita postea Anglia dicta est, quæ prius Albion vocabatur, cum
Australiæ eius partē Britones qui ex Aremorico Gallia tractu vene-
rant, occuparent) de tribus Germania' populis fortioribus, id est, Sa-
xonibus, Anglis, & Jutis. ita nāque legendū est iuxta manuscriptos
codices, non, Vitis. Alibi tamen, vt l. 2.c. 2. 9. & 22. Saxonum no-
men: